

Kouland 2

Episode 6: Reënboogmat

Kerngedagte : Mense is gemaak om ander te raak. Mense voel misbruik wanneer hul ander help, sodat mense van hulle sal hou. Wanneer ons ander help deur ons liefde vir Jesus, begin ons ervaar hoe mense nader aan Hom sal kom deur dit wat ons vir hulle doen.

Doelwit : Kinders gaan nadink oor die maniere waarop hulle ander met Jesus liefde kan bedien. Hulle gaan ook dink aan mense in hul lewens wat vir hulle uit Jesus se liefde bedien.

Steltekste: Johannes 13:34-35

Bybelverhaal: Noag – 'n ware reënboogmat – Genesis 6-9



In 'n mat winkel is daar verskillende tipes matte wat vir verskillende doeleindes gebruik word. Die doel van 'n mat is juis om gebruik te word en daarom is daar so 'n groot verskeidenheid. 'n Mat kan wel nie kies op watter manier hy gebruik moet word nie, maar sy samestelling is van so aard dat dit geskik sal wees vir die doel wat hy moet dien.

Nou, mense is nie soos matte nie, maar daar is tog een ooreenkoms. Ons is ook gemaak om gebruik te word. Ons is ook gemaak om 'n doel te dien en te bedien. Die groot verskil is dat ons wel kan kies hoe ons gebruik gaan word. Hoe ons gaan bedien. Die geheim lê in die gesindheid en die fokus van ons bediening.

Kom ons beweeg terug na die matwinkel. Sien jy daardie Persiese mat wat aan 'n spesiale hanger hang sodat hy nie aan die grond raak nie? Alhoewel dit 'n mat is soos al die ander in die winkel, word hy nie werklik soos 'n mat gebruik nie. Hierdie mat se doel is om eenkant in die huis geplaas te word net om raakgesien te word. Baie mense kies om te leef soos hierdie matte. Hul fokus lê net daarin om raakgesien te word. Om hulself te bedien. Alles wat hul doen bevorder net hulself. Hul is glad nie gefokus daarop om enige iets vir enige iemand anders te beteken nie. Wat nog te sê van inpas in die plan wat God met hul lewens gehad het?

Bietjie vêrder af in die winkel kry 'n mens die ou vloermatjies wat mens sommerso in enige plek in die huis gooi. Die matjies wat nie baie stewig op die vloer lê nie. Dit word sommerso heen en weer geslinger soos wat mens dit nodig het in die huis. Die doel van hierdie matjie is om handig te wees wanneer dit moet en dan weg te gaan wanneer dit nie meer nodig is nie. Nou, baie mense word soos hierdie matjies gebruik. Dit is mense wat so graag wil hê dat ander mense van hulle sal hou, dat hulle enige iets sal doen net dat ander ook dink hulle is handig of oulik. Baie keer, gooi hierdie mense hulself onder ander se voete in en gee alles wat hulle het, net om later baie stukkend te voel van binne as mense hul klaar gebruik het.

Hierdie arme mense gee wel hul heel beste om ander te bedien, maar hul fokus is verkeerd. Hulle is meer gefokus daarop om aanvaar te word deur ander mense, as om te bedien uit die liefde van God.

Die laaste mat in die winkel wat ons aandag trek is die vrolike welkom deur matjies wat daar hang. Op sommige van hulle is die woord WELKOM groot geskryf. Ander het helder reënboog prentjies en oulike gediggies op wat mens sommer dadelik tuis laat voel as mens net na hulle kyk. Dit is presies die doel wat 'n deur matjie moet dien. Wanneer kuiergaste by 'n voordeur kom, sien hulle dadelik die matjie raak. Hulle ervaar die liefde van die mense wat daar woon nog voordat hulle ingegaan het. Die mense gaan staan dan vir 'n kort rukkie op die mat, terwyl hulle wag dat daar vir hulle oopgemaak word. Dan beweeg die kuiergaste in die huis in soos wat die gasheer hul verwelkom. Nou hierdie tipe mat kan werk vir mense wat kies om te bedien uit hul liefde vir God. Die deur matjie het net een plek en dit is by die "voet" van die voordeur. Hy word nie rondgeslinger nie. Ek en jy behoort net een plek te hê en dit is by die voete van die Vader. Hy het elkeen van ons ook so uniek gemaak met 'n spesiale deeltjie van wie Hy is. Sy plan vir jou lewe is dat jy ander sal verwelkom en bedien in Sy liefde, sodat hulle iets van Sy liefde sal ervaar deur die manier waarop jy ander lief het. Sy plan is nie dat jy soos die los vloermatjie sal heen en weer geslinger en vertrap sal word sodat mense meer van jou sal hou nie. In Johannes 13: 34-35 gee Jesus vir ons een opdrag en een belofte. Hy sê dat ons ander moet lief hê soos wat Hy hulle lief het. Die belonging wat Jesus belowe is dat ander mense Hom sal raaksien deur ons liefde. Nie dat ander ons sal raaksien en dink ons is belangrik nie, maar eerder dat hulle Hom sal raaksien en tuis sal voel in Sy liefde.

Van beloftes gepraat, is 'n reënboog een van die mees tasbare beloftes wat ons uit die Bybel sien. Dit was 'n teken van God se diep belofte wat Hy aan die mensdom deur die gehoorsaamheid en geloof van Noag gemaak het. Noag is ook 'n voorbeeld van iemand wat God bedien het soos 'n deur matjie. Sy plek was by die voete van God, nie om rondgeslinger en vertrap te word soos 'n vloermatjie nie. Dit is juis om die rede wat hy hom nie gesteur het aan die gespot van die mense terwyl hy getrou aan God se ark gebou het 'n nie. Hy het bly bou aan God se plan en het die mense naaste aan Hom betrek by hierdie plan. Sy familie het ingekoop in God se plan. Nie omdat God met hulle ook die plan gedeel het nie, maar omdat Noag se toegewydheid tot God ook sy familie laat welkom voel het in God se liefde.

So kon Noag na 120 jaar van bou uiteindelik sy familie en die diere in die ark in verwelkom. Hulle is gered deur die manier hoe Noag alles wat hy kon bied ingespan het om God te bedien. Dit was so aanloklik, dat sy familie ook besluit het om God te dien.

Mag jou liefde vir God ook so deur die manier wat jy ander bedien skyn dat hulle liever vir God word deur jou aksies. Mag jy ook ander laat welkom voel in Sy liefde, sodat hulle aangemoedig sal word om ook by God se voete te kom sit.

Aktiviteit 1 - Reënboogmat, Fyn gemeef, wat Jesus se liefde uit kan leef.

Ysbreker:

Gee vir elke kind 'n reënboogmat lekker. Kinders moet nou probeer kyk wie kan die vinnigste die hele reënboogmat opeet sonder om met hul hande daaraan te vat.

Sê die volgende in jou eie woorde: Vinnig vinnig is die hele lekkertjie opgeëet so hap vir hap. Die was nou 'n lekker soet speletjie om te speel, met die reënboogmat lekkertjie. Ons het hom gekou en gekou tot hy heeltemal op is. Dit is wel nie so lekker as 'n mens voel of ander jou gebruik en gebruik tot jy ook heeltemal op voel nie. Wie van julle het al so gevoel?

Ek het ook al so gevoel. Ons mense wil graag ander mense help, maar partykeer is dit vir die verkeerde redes. Partykeer gee ons meer van onself as wat ons kan, net sodat ander mense van ons sal hou. Ons gooi tot partykeer ons eie waardes en dit wat ons glo eenkant, omdat ander mense dit van ons verwag. Die hartseer daarvan is, dat mense jou sommer sal weggooi as jy nie meer kan doen wat hulle wil hê jy moet doen nie. Met wie het dit al gebeur dat jy dalk al vriende verloor het net omdat jy nie meer kon doen wat hulle wou hê jy vir hulle moes doen nie? Mens voel dan gebruik en vertrap, amper soos 'n ou los vloermatjie wat so heen en weer geskuif en vertrap word.

Vandag het ek vir jou goeie nuus. Jesus gooi nie mense weg nie. Hy wil jou ook graag gebruik, maar wanneer Hy jou gebruik gebeur wonderlike dinge. As mense jou gebruik, begin jy leeg en gebruik voel. As God jou gebruik, dan maak Hy jou so vol van Sy liefde, dat ander liever vir God word deur die manier hoe jy hulle lief het en hulle bedien.


Dink bietjie oor die manier waarop jy ander mense help.

Instruksies:

1. Deel vir elke kind die volgende uit:
 - 4 strokies papier van dieselfde kleur
 - 3 Strokie papier van 'n ander kleur
 - Reënboog welkom matjie aktiwiteitsvel
2. Skryf op die een kleur papierstroke dinge neer wat jy goed kan doen en ook kan gebruik dat ander meer van Jesus deur jou kan leer.



Bv. Luister goed, gee raad uit die Bybel uit, help met 'n fisiese taak, ondersteun iemand wat deur 'n moeilike tyd gaan, kan iets mooimaak of grappe vertel om iemand beter te laat voel ens.

3. Skryf op die ander kleur papierstrook mense se name neer wat vir jou altyd op so manier help, dat jy meer van Jesus se liefde kan sien deur hulle lewe.
4. Plak die 4 stroke papier SLEGS AAN DIE TWEE PUNTE van elke strook vas aan die aktiwiteitsvel. Daar moet ongeveer 2cm spasie tussen elk van die 4 stroke wees. Hier volg 'n voorbeeld:



Middel gedeelte van
die papier stroke is los.
Slegs die punte word
vasgeplak

5. Ryg nou die ander kleur papier tussen die 4 stroke papier in om soos 'n mat te lyk. Hier volg 'n voorbeeld:



6. **Uitdaging vir die week:** Kyk na die dinge wat jy goed kan doen. Kyk na die mense wat in jou lewe is wat jou meer van Jesus se liefde leer. Laat dit jou nou motiveer om in hierdie week uit te gaan en so te leef dat mense ook liewer vir Jesus word deur die manier wat jy hulle help.

Naam:.....

Reënboogmat, Fyn geweef, wat Jesus se liefde uit kan leef.

Elke mens is gemaak om ander te raak, maar vir party is dit tog so 'n moeilike saak. Daar is mense wat net vir hulself wil lewe. Daar is geen hulp wat hul aanbied of na wil strewe. *"Mense is moeite en te veel vir my, ek sal hul al te liewer vermy..."*

So 'n tipe mens sal nooit lewe in oorvloed kan kry.

Dan kry jy die mense wat leef om ander te dien, maar die prys vir hul hulp is maar hartseer om te sien. Want mense gebruik jou en gooi jou maklik weg, jy voel dan skuldig en dink jy doen niks reg. Jy voel soos 'n vloermat wat rondgeslinger word, jy bied jou hulp aan maar kom altyd tekort. Al gee jy alles van jouself en meer, voel dit of jy nooit uit jou lesse kan leer. Misbruik en mismoenig probeer jy maar weer van voor en begin stadig jou hart en jou waardes verloor. Die geheim lê in die rede waarom jy wil bedien, kan mense die liefde van Jesus in jou hulp sien? Wanneer ons help dat mense van jou hou, sal jy vinnig moeg raak en inmekaar wil vou.

Die laaste mense waarna ons vandag kyk, is die mense wie se liefde meer soos Jesus sin lyk. Hul help graag en kom geen lof of eer kort, want dit is Jesus se liefde deur hul tasbaar word. Hierdie tipe mense is eintlik soos 'n reënboog welkom mat, wat ander deur hul liefde tot by Jesus vat. Hul help waar hul kan, sonder om te vra, want dit is die liefde van Jesus wat hul daarin dra. Wanneer hul moeg word en dinge raak te veel, bring Jesus nuwe krag en maak Hy harte heel. So kan hul weer uitgaan en gaan help en laste dra, want die Vader skenk Sy liefde in meer as wat ons benodig of vra.

Ek gee julle 'n nuwe gebod: julle moet mekaar liefhê. Soos Ek julle liefhet, moet julle mekaar ook liefhê. As julle mekaar liefhet, sal almal weet dat julle dissipels van My is." *Johannes 13:34-35*

Aktiwiteit 2 - Noag

Sê die volgende in jou eie woorde: Noag is 'n voorbeeld van iemand wat God bedien het soos 'n deur matjie. Sy plek was by die voete van God, nie om rondgeslinger en vertrap te word soos 'n vloermatjie nie. Dit is juis om die rede wat hy hom nie gesteur het aan die gespot van die mense terwyl hy getrou aan God se ark gebou het 'n nie. Hy het bly bou aan God se plan en het die mense naaste aan Hom betrek by hierdie plan. Sy familie het ingekoop in God se plan. Nie omdat God met hulle ook die plan gedeel het nie, maar omdat Noag se toegewydheid tot God ook sy familie laat welkom voel het in God se liefde. So kon Noag na 120 jaar van bou uiteindelik sy familie en die diere in die ark in verwelkom. Hulle is gered deur die manier hoe Noag alles wat hy kon bied ingespan het om God te bedien. Dit was so aanloklik, dat sy familie ook besluit het om God te dien. Mag jou liefde vir God ook so deur die manier wat jy ander bedien skyn dat hulle liever vir God word deur jou aksies. Mag jy ook ander laat welkom voel in Sy liefde, sodat hulle aangemoedig sal word om ook by God se voete te kom sit.

Gesels oor die volgende terwyl die kinders hul aktiwiteit velle versier:

1. Hoe kon Noag dit regkry om nie dit wat die mense gesê het na sy hart toe te vat nie?
2. Op watter manier het Noag gekies om die Here te bedien in plaas van om mense tevrede te stel?
3. Hoe het Noag se gehoorsaamheid om God te bedien ook sy familie geraak?

Ons stukkie vir vandag is in Johannes 13:34-35

Wenk: Is hierdie boek in die Ou Testament of Nuwe Testament geskryf?


In hierdie gedeelte gee Jesus 'n opdrag, maar ook 'n belofte vir die mense.

4. Watter opdrag gee Jesus?
5. Watter belofte gee Jesus?
6. Hoe verskil die manier waarop die Here ons kan gebruik van die manier hoe mense ons kan gebruik?
7. Waarom is dit so belangrik om nie mense te help net sodat hulle van jou sal hou nie?
8. Wat sal gebeur as jy liever mense help, sodat jy gehoorsaam is aan wat God van jou vra?

Naam:

Noag en die Reënboogmat:

Noag is hard aan die bid en die werk,
hy bou en hy kap dat die pale doer trek!
Die Here het vir Noag in liefde beveel,
om 'n ark te bou en met pik dig te seël.
Al het Noag nog nooit eers reën sien val,
al spot die mense so bitter en gal,
steur Noag homself aan die mense maar min,
want Hy weet God wil iets nuut deur hom begin.
Noag se geloof in God was bitter sterk,
soveel so dat hy 120 jaar bly bou en bly werk.
Toe Noag en sy seuns eers klaar is met die bou,
begin wolke digter saampak, donker en grou.
Die Here stuur toe diere, twee van elke soort,
en elkeen vind hul plekkie, knus aan die boord.
God sluit toe self veilig die ark se deure,
en vir 40 dae en nagte wag hul op die Here.
Toe die tyd reg was om uiteindelik uit te kom,
kyk Noag en sy mense op en staan heel verstom.
Die mooiste reënboogmat strek oor die wolke uit,
'n teken van God se liefde, Sy glimlag breed en wyd.
Die Here rol 'n reënboogmat voor elke mens se treë,
'n lewe in oorvloed wat Hy as geskenk wil gee.
Al wat Hy vra, is dat jy op Hom sal wag en vertrou
en om so gewillig soos Noag, aan Sy plan te bou.



Noag bou 'n Ark

Genesis 6-9

Kouland 2 : Familie Studie

Dierbare Koubouters Skatte!

Dit was omtrent 'n bedrywige dag in die fabriek vandag gewees. Vandag het ons geleer dat die Here elke mens se lewe wil gebruik om iets groot te doen. Ons het ook besef dat mense partykeer hulself laat gebruik word deur ander mens een dan voel 'n mens maklik of jy misbruik word. Die geheim is om altyd te fokus op die manier hoe die Here jou wil gebruik om Sy liefde met die wêreld te deel. Hy wil jou soos 'n helder reënboog welkom matjie gebruik om ander uit te nooi om ook 'n lewe in Hom te kies.

Koubouter Koukis:

Ysbreker:

Gee vir elke kind 'n reënboogmat lekker. Kinders moet nou probeer kyk wie kan die vinnigste die hele reënboogmat opeet sonder om met hul hande daaraan te vat.

Sê die volgende in jou eie woorde: Vinnig vinnig is die hele lekkertjie opgeëet so hap vir hap. Die was nou 'n lekker soet speletjie om te speel, met die reënboogmat lekkertjie. Ons het hom gekou en gekou tot hy heeltemal op is. Dit is wel nie so lekker as 'n mens voel of ander jou gebruik en gebruik tot jy ook heeltemal op voel nie. Wie van julle het al so gevoel?

Ek het ook al so gevoel. Ons mense wil graag ander mense help, maar partykeer is dit vir die verkeerde redes. Partykeer gee ons meer van onself as wat ons kan, net sodat ander mense van ons sal hou. Ons gooi tot partykeer ons eie waardes en dit wat ons glo eenkant, omdat ander mense dit van ons verwag. Die hartseer daarvan is, dat mense jou sommer sal weggooi as jy nie meer kan doen wat hulle wil hê jy moet doen nie. Met wie het dit al gebeur dat jy dalk al vriende verloor het net omdat jy nie meer kon doen wat hulle wou hê jy vir hulle moes doen nie? Mens voel dan gebruik en vertrap, amper soos 'n ou los vloermatjie wat so heen en weer geskuif en vertrap word.

Vandag het ek vir jou goeie nuus. Jesus gooi nie mense weg nie. Hy wil jou ook graag gebruik, maar wanneer Hy jou gebruik gebeur wonderlike dinge. As mense jou gebruik, begin jy leeg en gebruik voel. As God jou gebruik, dan maak Hy jou so vol van Sy liefde, dat ander liever vir God word deur die manier hoe jy hulle lief het en hulle bedien.

Gesels oor die volgende:

1. Dink aan dinge wat jy goed kan doen en ook kan gebruik dat ander meer van Jesus deur jou kan leer. *Bv. Luister goed, gee raad uit die Bybel uit, help met 'n fisiese taak, ondersteun iemand wat deur 'n moeilike tyd gaan, kan iets mooimaak of grappe vertel om iemand beter te laat voel ens.*

2. Dink aan mense in jou lewe wat vir jou altyd op so manier help, dat jy meer van Jesus se liefde kan sien deur hulle lewe.
3. Dink aan 3 dinge wat julle ander die week gaan verander aan die manier hoe julle mense help, sodat daar meer van Jesus se liefde raakgesien sal word deur die manier hoe jy help.

Ons stukkie vir vandag is in Johannes 13:34-35

Wenk: Is hierdie boek in die Ou Testament of Nuwe Testament geskryf?

In hierdie gedeelte gee Jesus 'n opdrag, maar ook 'n belofte vir die mense.

4. Watter opdrag gee Jesus?
5. Watter belofte gee Jesus?
6. Hoe verskil die manier waarop die Here ons kan gebruik van die manier hoe mense ons kan gebruik?
7. Waarom is dit so belangrik om nie mense te help net sodat hulle van jou sal hou nie?
8. Wat sal gebeur as jy liewer mense help, sodat jy gehoorsaam is aan wat God van jou vra?
9. Hoe kan jy die verhaal van Noag asook reënboogmat lekkers gebruik om iemand te help wat maklik misbruik word deur mense.



Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel: